



姓韻卷十五

衢

見姓苑氏族畧

統謚衢通江西人正德中任建陽丞

駒

墨林快事商駒父鼎銘九字

功臣表騏戾駒幾以屬國騎擊匈奴捕單于兄戾子晉嗣

釐戾崇嗣元延元年戾詩以崇弟紹封

百官表騏戾駒普為太常數月薨

父

見路史





尚書禹拜稽首讓于舜按一作及戡蔡沈注以為二人誤

宋書明帝時有及季真得道德訣按李渤真系文雲景和乙巳歲勅取經入華林園明帝登極及季真啟還私解簡寂陸君南下立崇虛館真經盡歸于館

南史有及嘉興按一云及季真嘉興人

希姓錄及基桐廬仙人

氏姓謚及文通宣德間任漳州知府及同長興人任知縣

及觀嘉靖間烏程縣貢生

杭大宗道古堂集及孝廉名聞望原名繼淞因夢兆而更名字委江萬夫其号也世為仁和人

按嘉慶時及三慶字積堂杭州生員及夔龍杭州人嘉慶時官義烏教諭

感應篇注錢唐汪源募善士及現出資財印萬部

史見路史

左傳文六年賈季奔狄宣子使史駢送其孥夷之蒐賈季戮史駢史駢之人欲盡殺賈氏以報焉史駢曰不可前志

有之曰敵惠敵怨不在後嗣忠之道也夫子祀于賈李我以其寵報私怨母乃不可乎

淮南子史記易牙淄澠之水合者嘗一哈水而甘苦知矣注史記齊之知味者按莊子疏作俞兒統謚史信信陽人嘉靖中任海豐縣丞

俞  
見路史

史記中庶子曰中古之時醫有俞跗治病不以湯液醴灑鏗石橋引案扞毒熨一撥見病之因應五藏之輸乃割皮解肌訣脈結筋搦髓腦探荒爪幕湔浣腸胃漱滌五藏鍊精易形按韓詩外傳云中庶子曰中古之為醫者踰跗踰跗之為醫也擗木為腦芷草為軀吹竅定腦死者復生

莊子疏引孟子曰俞兒齊之識味人也按今孟子無此文亦見淮南子作史記

英賢傳漢司徒掾俞連吳俞贊按贊為營都督陸抗攻步闡時贊止詣晉將楊肇

晉書成帝時有俞縱蘇峻之亂桓彝遣守蘭石敗死于難又俞僉為永嘉郡吏孫恩之亂太守司馬逸之被害兵寇



之際莫敢收藏食以家財冑難棺殮六喪送至都元嘉中卒

齊書東昏學騎于營兵俞灵韻呼灵韻為阿兄

宋書恩倖傳俞道隆明帝卽位封茶陵子又薛伯珍殺袁

覲首詣錢谿軍主俞湛之湛之因斬伯珍並送首以為已

功湛之襄陽人

前趙錄劉聰中常侍俞容與宣懷陵脩等寵幸用

事

按水經注引俞益期交州牋與韓康伯書言擯柳樹海南

之竒觀但性不耐霜不得北植不過長者之目令人恨深

益期豫章人性氣剛直不下曲俗容身無所遠適

在南

唐書俞文俊江陵人載初間新豐因風雷山移奸人奏以

為瑞成后信之名慶山四方畢賀文俊上書言宜側身修

德以答天譴后怒流嶺外為六道使所殺

集仙傳俞灵瓚河間人入衡山修道南岳赤君授以回風

術

區

見風俗通廣韻按區字弁尤韻歐同今分列

吳越春秋越王允常聘區冶子作名劍五枚一曰純鉤二曰湛盧三曰豪曹或曰盤郢四曰魚腸五曰巨闕按神仙傳區冶為越大夫頡臨之子

王莽傳中郎區博常諫耕田未可行又諫未可分授諸侯茅土致諸侯困乏有僱作者

楊震碑陰汝南區德榮

隸釋桂陽太守周府君憬功勳紀銘碑云熹平三年歲在攝提仲冬之月曲紅長區社與邑子故吏建碑于灑上碑陰云區社字景賢零陵重安人

水經注漢有長沙人區景為蒼梧太守吳巨之都督被步騭所誅

水經注區逵象林縣功曹子攻殺縣令自号為王在漢末初平時

吳志長沙賊區星作亂孫策討平之

博物志區同于水裔見屈原言五月作楫以楝葉包之

晉陽秋衡陽區純作木室作一婦人居其中人扣其戶婦人開戶而出當戶而拜還入戶內閉戶又作鼠市四方丈



餘開四門門有木人縱四五鼠于中欲出門木人輒以椎擊之又作指南車及木奴舂穀作米中宗聞其巧詔補尚方左校

錄異記商人區明過彭澤湖有車馬稱青洪君人教明乞如願不得已許之乃其婢也

南齊書區金字南貴南海人仕齊為右武衛校尉累官深州刺史子頽宣州刺史孫伯虎折節讀書官新州刺史

齊書高帝有區貴人衡陽王鈞母也先是貴人以花

釵厨子賜鈞以為玩弄貴人亡後每歲時開禮再拜哽

咽

詩品宋監典事區惠恭本胡人為顏師伯幹顏為詩筆輒偷定之後造獨樂賦語侵給主被斥大將軍修北第差充作長時謝惠連兼記室參軍惠恭時往共安陵嘲調末作雙枕詩以示謝

隨書區澤字伯仁連州人官熙平郡守唐代隨不受唐官爵

韓文公集區冊南海人韓愈稱之

柳宗元集區寄越人年十一歲二豪劫持虛所賣之同童  
一豪睡殺之一豪將殺童童曰爲二即童孰若爲一即童  
童又殺一豪刺史奇之

五代史楚天策府學士拓拔恒謂客將區弘練曰王逞欲  
而復諫吾見其干口飄零無日矣

宋史誅宜州蠻酋區希範

氏族畧區贊宜州刺史區程長沙人爲宜春簿廣州  
區傑登進士區璵字良玉南海人仕爲德慶參軍廉介有  
聲

姓氏誼區適字正叔南海人博學多聞里人多造請求講  
解所居地名鮑州而適号登州因更其地爲登鮑鄉區草  
宜州人與黃魯直友善後爲瓊州理官魯直送詩有送子  
之官瓊海上鯨吞舟楫蜃噓樓之句

姓氏誼區鶴鳴南海舉人萬厯時任蒲城縣掌教雅度清  
修以師道自持常三署縣事操守如一儒林重之區昌順  
德人弘治時令懷集慈祥廉謹有撫犛勸農二歌區禹民  
南海人性剛直爲鄉人信服元季土豪聚亂禹民偕族子  
忠告率眾立砦保障鄉人賴之洪武初歸附授中都留守



都事

通州志區養才高要人崇正十年任通州吏目

題名錄區賢南海縣人宣德庚戌進士區正番禺縣人成

化丙戌進士區玉番禺人弘治壬戌進士區越新會縣人

弘治乙丑進士區行順德縣人弘治乙丑進士區大倫肇

慶府高明縣人萬厯己丑進士區順<sup>龍</sup>順德人萬厯庚戌

進士區聯芳新會縣人崇正辛未進士區簡臣高明縣人

順治辛丑進士

縉紳錄區燦如高要人嘉慶時官榆林縣知縣區履品廣

東東安人任趙城知縣區汝綬肇慶人任惠來教諭廣西

南寧府永淳縣訓導區欽選平樂人歲貢

侏

見路史

統謚宋侏俱官新塗縣尹

銖

正字通弘治舉人銖炫德興人

邾

見氏族畧

漢廬江太守<sup>范</sup>府君碑陰有邾公然

魏書小峴戌主党法宗襲大峴戌破之虜梁龍驤將軍邾

菩薩

文苑英華唐邾象錢有對私取行馬鸚鵡齋享彌判  
氏姓謚邾安河東人洪武中以人材任渭南知縣  
邾婁氏見姓苑

朱

見東觀記朱公叔鼎銘廣韻

虞書舜時臣有朱虎

論語逸民朱張按陸德明經典釋文引王弼注朱張字子  
弓荀卿以此孔子鄭康成論語注作侏張楊倞注荀子不  
以子弓為朱張顏之推家訓後漢有朱張字孫卿

左哀公六年傳齊大夫朱毛衛有朱亥朱倉韓有朱已齊  
有朱謹

史記楚有朱英觀津人謂春申君曰見秦楚之日門也楚  
于是去陳徙壽春命曰郢漢有代又有涿郡太守朱英也  
史記項梁將朱雞石符離人起兵圍東海守于郟又陳王  
涉以朱防為中正

東觀記中山相朱遂到官不奉祠北嶽狼為災食童兒詔  
切責之

漢書淮南王安之臣朱驕如



朱泚氏見辨證按此非復姓也宜刪

朱陽氏見姓苑

朱襄氏見卽思姓解

朱邪氏見唐書

唐書沙陀傳朱邪孤注殺招慰使弓月道總管梁建契苾  
何力斬孤注龍朔初以處月酋沙陀金山從戎衛將軍薛  
仁貴討鉄勒授墨離軍討擊使金山死子輔國嗣開元初  
封其母鼠尼施爲鄯國夫人吐蕃疑沙陀盡忠持兩端議  
徙于河外盡忠與朱邪執宜謀曰我世爲唐臣不幸陷汗

今若走蕭關不猶愈于絕種子盡忠曰善遂款灵州塞以  
執宜爲府兵馬使討王承宗有功進蔚州刺史執宜死子  
赤心嗣討劉旗吐蕃龐勛皆有功由朔州刺史遷蔚州刺  
史其弟名赤裘勛王進大同軍節度使賜氏李名

國昌

朱彝尊曝書亭集應州神祠下前有施石台亥石列八對  
于旁又書二十八宿字有篆文曰唐故汾州刺史朱邪府  
君墓志銘蓋沙陀之俗死焚其骨盛以石函此則其蓋也  
考後唐家人傳魚官汾州者惟明宗之父僊嘗贈汾州刺

史見毋府元龜又葬于應州其爲電墓殆無疑史稱明宗  
無姓氏太祖養以爲子不知其父冒姓朱邪者久  
也

朱

<sup>殊</sup>翼氏此姓諸書無今補

神仙傳太陽子離明之妻朱翼氏曰太陽女能審五行道  
術年二百八十色如凝雪口如含丹宛如十四五歲處子

萋

見後魏官氏志

扶

見姓苑

晉周生招魂議曰黃帝體仙登遐其臣扶微等斂其衣冠

葬之

路史禹臣有扶登氏爲承夏之樂

越絕書越大夫扶同澍按或謂即逢同也

西京雜記扶嘉胸臆人高祖時爲漢廷尉

菀文志漢時魯有扶卿從孔安國傳論語官至荊州刺史

按亦見張禹傳

巴郡太守張納碑陰有議曹掾胸忍扶古

鮮卑傳烏桓豪人扶漱官勇健每與鮮卑戰輒陷敵詔賜

率眾君是烏桓亦有扶姓



蜀志劉璋將扶禁向存由閬水上攻圍霍峻于葭萌  
吳志扶嚴作亂虞曷討平之

後周書扶猛字宗略上甲黃土人其種落号白虎蠻世為  
渠帥先仕梁後降魏為車騎大將軍羅州刺史兩從賀  
若敦討信州有戰功進位大將軍卒按統謚以為晉人  
非

宋書彭城王義康至豫章辭刺史以為都督江交廣三州  
軍事前龍驤將軍扶令育上表言宜亟召還兄弟協和君  
臣輯睦則四海之望塞表奏賜死按鄭樵以令育為參軍

誤

姓氏謚扶明生龍川人正統中任海康縣訓導扶忠成化  
中江寧縣丞扶日高成化中萊州府訓導扶日曉正德中  
任訓導扶日亮嘉靖中任知縣均鄆縣人扶讓安仁人弘  
治間任宣化知縣

題名錄扶道弘鄆縣人雍正癸丑進士

縉紳錄嘉慶時扶寵訓大庾人任南昌教授扶德容郴州  
人任湖南衡州府常寧縣訓導

扶

都氏此姓諸書無今補

帝王世紀夏王癸娶扶都氏女爲妃見白氣貫日意感而  
孕天乙

扶餘氏見廣韻

宋書夷蠻傳晉安帝義熙十二年封扶餘映爲百濟王又  
有扶餘毗宋文帝元嘉七年封毗子扶餘慶孝武帝大明  
二年封

梁書東夸傳扶餘牟都慶子齊時封牟都子扶餘牟大梁  
武帝普通二年封隆子扶餘明普通五年封

北齊書後主紀扶餘昌更封帶方郡公隨書開皇初百濟

王扶餘昌遣使獻方物扶餘宣昌子宣子璋璋子義慈按  
宣當即寬也

唐書扶餘準東明人本胡方騎將貞元初戰没于吐蕃使  
者知不死求之烏重元乃奔偕歸詔以準爲禮王府司馬

又百濟王扶餘寬生璋号帶方郡王生義慈唐拜帶方郡  
王金紫光祿大夫生隆熊州都督帶方郡王左衛戎大將

軍生文宣司膳卿左衛大將軍樂浪郡王隆弟勇隆孫敬  
則天時襲封按唐贈泰師孔宣公碑乾封元年祭孔子文  
云皇帝遣司稼正卿扶餘隆以少牢之奠致祭先聖孔宣



父之靈隆為熊州都督入仕于朝後仍遣歸藩也

舊唐書李巨母扶餘氏吉溫嫡母之妹也

符 按百濟故將福信迎故王子扶餘豐立之後豐率子忠勝忠志降見劉仁軌傳福信扶餘璋之從子也稱霜岑將軍見廣韻路史

後漢書符融字偉明考城人師事李膺設詞如雲仇覽在太學自守不與融言按東觀記融妻亡貧無殯斂鄉人欲為具棺服融不肯受曰古之亡者棄之中野唯妻子可以行之但土埋而已

孝子傳符表太字中隨父徙安成年十六母姜氏有疾晝夜省視母一食表亦一食母不食表感咽而殞葬于四望岡太守表其墓按王烈之安成記縣有孝子符表以孝聞天下年十六母姜氏病省待晝夜母死亦死太守王府君于四望岡樹雙闕以表其墓

唐菴文志符乾仁撰修真秘錄一卷

唐書忠義傳符令奇開元時為盧龍軍裨將勸田承嗣委質朝廷為田悅所害子璘為輔國大將軍按碑作符璘也璘字元亮



四川志符載字厚之蜀人以王霸自許不為章句學歷協  
律郎監察御史

甘肅志符呂蘭州人歲貢生官四川按察副使

符  
見晉書路史

蜀志成都氏符健請降于漢其弟不從將四百戶來降

前秦錄符洪字廣世略陽臨渭氏人自稱護氏校尉秦州

刺史劉曜以為寧西將軍石虎拜冠軍將軍使持節六

諸軍事冠軍大將軍後自稱大都督大將軍大單于三秦

王為麻秋醜死洪子健字建業以晉穆帝永和七年僭号

于長安稱大秦符雄字元才洪之子子善兵書多謀畧為

輔國將軍丞相領車騎大將軍雍州牧符融字博休健子

聰辯明慧下筆成章設元論道道安無以尚之耳聞即誦

過目不忘時人擬之王粲為散騎常侍司隸校尉善卜筮

知馮昌殺董豐之妻後為侍中中書監符堅字永固一名

文玉稱帝淝水敗後死于五將山從兄子符駒幼懷遠操

不樂時榮符朗字元達堅兄子善識味知鹽味少生知露

栖之雞食鵝肉知黑白之處時賢並用唾壺朗獨令小兒

口含又揚威將軍符菁封平昌王進衛大將軍領軍將軍



符願衛大將軍廣平王符黃眉前將軍符飛飛又為左衛  
將軍後將軍清河王符法安西將軍雍州刺史燕公符成  
太尉符戾車騎大將軍征東大將軍并州牧符柳鎮東大  
將軍豫州牧符庾征西大將軍秦州刺史河南公符雙長  
樂公符丕武衛將軍成都王符鑒左衛將軍雅平原公符  
暉廣平公符熙鉅鹿公符叡征東大將軍并州刺史范陽  
公符抑平陽太守符產平北將軍符道龍洛州刺史武成  
王符安為大司馬驃騎大將軍并州刺史  
五代史宣武節度使符習自恃宿將議論多抗安重誨重

誨求其過失奏之丁酉詔習以太子大師致仕按習本成  
德將從莊宗戰于河上故自恃為耆宿

五代史淑州蠻酋長符彥通自謂符秦苗裔王逵承制以  
為黔中節度使

馮

見姓苑路史

姓韻卷十六

七虞中

夫

見路史

鮮卑列傳匈奴中即將趙稠遣從事將南匈奴骨都侯夫



沈等出塞擊鮮卑破之詔賜夫沈金印紫綬

漢書夫餘國王夫台永康元年將二萬餘人寇于菟太守

公孫域擊破之

夫

蒙氏見廣韻姓纂

廣韻後秦建威將軍夫蒙大羗按大羗一作羗命姓謹作

大羗

秦廣武將軍張<sub>產</sub>碑陰有戶曹夫蒙彭如兵曹夫蒙頭錄

事夫蒙護夫蒙大毛行事夫蒙傷大主簿夫蒙大祁功曹

夫蒙進兵曹夫蒙犁兵曹夫<sub>兩</sub>大傷

唐書吐蕃贊婆未降太后命河源軍大使夫蒙令卿將騎

迎之按通鑑作不蒙即夫蒙也

舊唐書高仙芝封常清傳並云四鎮節度使夫蒙灵答突

厥傳安西節度使夫蒙灵答按李嗣業段秀寔二傳則云

安西節度使馬灵答劉全諒傳云吕知誨害安東副都<sub>護</sub>

保定軍兵<sub>使</sub>馬灵答誤矣

唐書高仙芝既平諸國夫蒙灵答怒不迎勝既見罵曰高

麗奴于闐使尔何從得之仙芝懼謝曰中丞力也又曰焉

耆鎮守使安西副都護都知兵馬使皆從何得之答曰亦



中丞力也。灵答曰：若此捷書不待我而敢即奏，何耶？奴當斬。顧新立功，故貸尔边令誠言其狀于朝。帝擢仙芝鴻臚，假御史中丞，代灵答為四鎮節度使。詔灵答還，灵答懼仙芝朝夕見輒趨走，灵答益慚。

夫 餘氏見風俗通路史，按夫餘即扶餘也。

按百濟國王夫餘寬，隨書作宣生，璋号帶方郡王，生義慈。唐拜帶方郡王金紫光祿大夫，生隆熊，州都督，帶方郡王。生文宣，司膳，卿左衛大將軍，樂浪郡公。

徒 見姓苑

說苑魏太子謂經侯曰：有徒師沼，治魏而市，無預賈。

氏姓謹，徒氏奉化人。嚴瑚妻，與嚴璠妻孫氏共矢志守節。

萬厯間縣令樊欽題其門曰：儒家雙節。

陝西志：徒丹，恂，富平人。明人材，科官，縣丞。

按全祖望文真言：范氏天一閣藏薛尚功手書鍾鼎款識，有灵或徒克莊跋。

徒 河氏此姓，諸書無，今補一作徒何。

前燕錄吐谷渾父徒何涉，有二子，長曰吐谷渾，少曰若洛鹿。



北燕錄世祖遣鎮東方大將軍徒河屈垣等率騎四萬來  
伐

徒  
後周書柱國太尉李弼賜姓曰徒何氏  
徒氏見史記注

趙世家燕攻昌壯拔之樂乘慶舍攻秦信梁軍破之太子  
死而秦攻西州拔之徒父祺出索隱云祺趙人張守節正  
義秦拔西州故令徒父祺將兵出境

徒人氏

左傳莊公八年齊有徒人費齊侯田貝上傷足喪屨反誅

屨于徒人費

國語齊有徒人回

按漢藝文志孔子有徒人圖國法二卷在論語家或其門弟

子姓名也

紆  
見廣韻

廣韻後秦有肥鄉侯始平紆邈按氏族畧以邈為後漢人  
誤

鳧  
此姓諸書無今補

管子桓公踐位釁社塞禱祝鳧已疵獻胙祝曰除君苛疾

與君子多虛而少寔桓公不悅瞑目而視祝鳧已疵鳧已

疵授酒而祭之曰又與君之若賢注鳧已疵祝人也

洞冥記仙人鳧伯子常采系都翠水之翔雞菱食之令骨

輕身生羽毛

鳧鬼氏見路史氏族畧

俱 見氏族畧

前秦錄苻堅有金城俱難為後將軍并州刺史攻晉蘭陵  
太守張閔子于桃山又有俱石子苻丕封濮陽公為衛將  
軍前軍師樓石子難之弟與慕容冲戰兵敗奔鄴

唐書宦者俱文珍冒姓劉名貞亮累遷右衛大將軍按王  
叔文傳文珍惡叔文弄權乃削志去季士之職制出叔文大

駭

氏族畧開元時國子博士俱康辟按姓纂作國季生俱匡

辟鄭避鄭宋諱改匡作康也

甘肅志俱家礼明時文縣貢生

陝西志俱新乾州人永樂乙酉奉人官順天通判俱宰淳

化人明貢生官知縣

俱

羅氏此姓諸書無今補



唐書回紇吐迷度兄子烏紇蒸其叔母烏紇亦俱陸莫賀  
達官俱羅勃皆突厥車鼻可汗之婿也相再謀之殺吐迷  
度

按李德裕文有總管壯武將軍俱羅懼

蒲 見風俗通

尸子蒲衣八歲舜讓以天下按一作披衣子又作被衣子  
項羽傳有蒲將軍

風俗通漢有詹事蒲昌按前漢書蒲昌潁川人字君都為  
詹事受詩于匡衡馬援從之受詩蒲昌一作蒲昌或作蒲

意者誤滿意乃公戶氏也

華陽國志蒲子佳斜谷為諸葛亮鑄刀言漢水鈍弱不堪  
淬命于成都取水使者雜涪水八升子辨之按糸為丞相

亮西曹掾

晉書尚書全蒲奮蜀人

五代史王衍臣秦州節度推官蒲禹卿蜀人蜀主北秦州

禹卿上表諫按蜀檮枕禹卿成都人為蒲闕從行入洛衍

被誅乃題詩于驛門而逃不知所終又蒲乾貫孟昶臣著易

軌一卷

名画録蒲師訓蜀人師房從真画人物鬼神蓄馬孟令公  
改元師訓画江濱廟諸葛廟龍神廟獻之

宋史蒲直字君錫閬中人後官湖廣提點刑獄知鼎遠隴  
寧四州復提舉潼川路刑獄

宋史資政殿大學士蒲宗孟蜀人又蒲叔獻南部人舉進  
士為成都漕百姓歌曰運使姓蒲民力可獲召為宗正卿

宋史三佛齊國唐天祐元年有都蕃長蒲河粟立貢物其  
臣有蒲茂蒲陀漢蒲謀西蒲婆藍蒲押陀恭

蒲姑氏見左傳

蒲城氏見世本

國語呂甥卻稱使蒲城午告公子夷吾于課曰子厚賂秦以  
求入吾主子又蒲城伯先且居韋昭云先且居先軫之子

蒲城伯也先且居後受霍為霍伯使霍伯即蒲城伯矣

蒲圃氏見何氏姓苑

蒲餘氏此姓諸書無今補

左昭公十三年莒國人弗順郊公欲立著丘公之弟庚興

蒲餘侯惡公子意恢而善于庚興公子鐸因蒲餘侯而與

之謀而爾殺意恢我出君而納庚興許之注蒲餘侯莒大夫



茲夫也

蒲

蒲氏見姓苑

列子蒲苴氏之弋法又云詹何曰聞先大夫之言蒲且子之弋弱弓纖繳乘風振之連雙鶴于青臺之際用心專動于均也漢藝文志蒲苴子弋法三篇按一作蒲且淮南子注蒲且子楚人善弋射者一去齊人

蒲

盧氏見路史

廣韻古蒲盧胥善弋按張寧厲志詩蒲盧縈繳神感飛禽注舊說蒲盧即蒲苴也

宋文憲集勃尼在西南大海中所統十四州者闍婆四十五日程去占與摩逸各三十日程去三佛齊四日程歷代未嘗朝貢故史籍不載至宋太平興國二年其王向打始因商人蒲盧歇遣施努使副蒲亞利判官哥心等齎表來貢元豐五年二月其王錫理麻喏復遣使如前貢自後輒不聞

佉

集韻佉姓也音區此姓諸書無今補

法苑珠林沮誦佉盧倉頡同造字一右行一左行一下行佉盧黃帝時人也又云造書凡三人長名曰梵其書右行

次曰佉盧其書左行少者倉頡其書下行又曰梵佉盧居  
于天竺黃史倉頡在于中夏梵佉盧取法于淨天倉頡因  
華于鳥跡文畫誠異傳理則同翻譯名義云佉盧虱叱此  
乃大仙人名

胡 見世本郡國志廣韻

世本作篇胡曹作衣宋衷注胡曹黃帝臣

國策胡行之出幾瑟于楚也教公仲謂魏王曰太子在楚  
韓不敢離楚也注韓人按鄭樵以為衛人非

按秦客卿胡陽鼻或安君救韓見史記又中更胡傷攻趙

胡三省謂即客卿胡陽

史記陳王涉以胡武為司過主司羣臣諸將狗地至今之  
不呈輒擊而罪之以苛察為忠

史記胡建字子孟河東人守軍正丞斬監御史為渭城令  
治甚有聲

漢書貳師妻子被收貳師聞之憂懼其掾胡亞夫亦避罪  
從軍說貳師降匈奴

儒林傳胡常官博士按翟方進傳時宿儒有清河胡常與  
方進同春秋經常為先進名譽出方進下心害其能議論



不右方進即此人也常後為青州刺史

漢書胡騰字子升桂陽人桓帝延狩南陽公卿貴戚徵求

役費騰奏自同從事自是肅然官至尚書

寧陽國志胡安臨邛人聚徒教于白鶴山司馬相如嘗從

之受經

黃瓊傳有胡元安按汝南先賢傳胡定字元安潁川潁陽

人至行絕人在喪雉兔游其庭縣令遣戶曹掾排闥問定

定已絕穀妻子皆卧在牀令遣掾以乾糒就遣之定乃受

半即此人

楚國先賢傳胡廣本姓黃五月五日生父棄之胡公見而

舉之遂姓胡字伯始官太傅按廣不為生父母服喪當世

非之又廣妻亦氏黃

胡母氏見風俗通按母宜音父母之母索隱音無非是

孔叢子胡母豹謂子思曰子好大世莫能容子也盍亦隨

時乎注豹魯人

法書要錄秦胡毋敬本櫟陽獄吏為太常令博識古今文

字與程邈李斯省改大篆作博季篇七章按蜀錄曰宕渠

即古賈國今有賈城秦始皇時有長人長五丈見于宕渠

太史令胡毋敬曰五百年後其地必有異人爲大人者及  
李雄稱尊号祖先出自宕渠有識者皆以爲應之亦見寧  
陽國志

漢儒林傳齊人胡毋生子都公羊寿之弟子也與董仲舒  
同季爲景帝博士

寧陽國志張霸致名士胡毋官後至大位

風俗通漢有執金吾胡毋班按搜神記後漢胡毋班嘗上  
泰山側爲太山府君所召令致書于女婿河伯云至中流  
扣舟呼青衣當自有取書者果得達河伯遺以青綠履復

爲河伯致書府君即黨錮傳之胡毋班泰山人官執金吾

名在八厨所謂海内珍奇胡毋季皮也一作季友者誤蔡

邕集作慕毋班

魏志河内胡毋彪常林之叔見拘于王匡彪與匡書責  
之

夏侯孝若集辛憲英外孫胡毋暢上夫人錦被乃反卧

晉書胡毋原班曾孫練習兵馬山濤稱其才堪边任卒爲

太尉長史終河南令子輔之字彥國名在八達爲樂安太

守子謙之字子光才季不及父而傲縱過之官揚武將



軍

晉中興書胡毋崇為永康令多受貨賂政治苛暴詔于都街頡鞞一百除名為民

前燕錄幽州喪亂泰山胡毋翼自薊逃奔昌黎未依慕容  
鹿鹿以胡毋翼夙德清望請為賓友

後燕錄慕容永黃門郎太山胡毋亮壑皆隨才擢敘

宋明帝紀胡毋顥專權奏無不可時人語曰永絹閉眼語  
胡毋大張橐未絹謂上也

胡

胡非氏見風俗通

風俗通戰國有胡非子著書按胡非子墨翟弟子漢藝文  
志有胡非子二篇其書曰胡非子修墨以教有屈將子好  
勇聞墨者非門帶劍危冠而見胡非子而問勇胡非子為  
說君子之勇乃請為弟子

胡

掖氏見晉書

廣韻南涼禿髮壽闐之毋胡掖氏按胡掖氏生壽闐于被  
中夢一老父被髮左衽乘白馬謂曰尔夫雖西移終當東  
返至涼必生貴男言終胎動而寤後因寢而生壽闐于被  
中乃以禿髮為號其俗謂被覆之義

胡 祿屋氏見唐書此姓諸書無今補

胡 咄葛氏見唐書此姓諸書無今補

胡古口引氏見官氏志

壺 見姓謚

史記晉文公臣壺叔與從亡者按呂覽作陶狐說苑作陶叔狐

史記衛壺廩殺子路按一作狐廩詩又作狐黠或作盂

廩

風俗通漢有諫議大夫壺遂按律廩志大中大夫壺遂太

史令司馬遷寺言廩記廢壞宜改正朔太史公曰余與壺

遂定律廩壺遂官至詹事天子方倚以為相會遂卒不然

壺之內廉行脩斯鞠躬君子也索隱云遂為詹事梁人其

人深中篤行君子上方欲以為相會病卒又按韓

安國曾薦遂

大宛傳大鴻臚壺充國副司馬相如使邛笮亦見相如

傳

百官表執金吾壺信

苑康傳仇覽誣康與兗州刺史第五種都尉壺嘉詐上賊



降

後漢書侍中壺崇爲曹操所誅按山陽公記作台崇爲是  
風俗通亦作台崇

袁紹傳冀州牧壺壽按英雄記袁紹斬于毒及長安所署  
冀州牧壺壽

北史衛操傳有參軍壺倫

張園真烏青文獻志壺德宋神宗熙寧三年庚戌科葉祖  
洽榜德字季升烏鎮人元豐間爲灵岩令性孝友友工書  
畫與楚州徐積同師胡安定先生先生契之事見西山廣

記

又云壺嘉會字子礼舒州通判徵之長子嘉定十四年鄉  
試爲同安縣主簿

又云宋光宗慶元間貢生壺徵字慎之德之六世孫以例  
貢于嘉定間爲舒州通判

又壺敏字中行常乘舟玩水号浮瀾先生宣德時人能詩  
又画山水草蟲

壺

壺氏見世本英賢傳按壺土左傳作瓠土亦即瓠土也三

字古通

列子列子與子產師壺丘子林呂氏春秋子產相鄭往見  
壺丘子林與其弟子坐必以年是倚其相于門也按淮南  
子鄭之神巫相壺丘子林見其徵一本列子無丘字即此  
人

狐 見廣韻氏族畧

墨子驩兜之佞臣狐功

莊子古賢者狐不偕按成身英疏古之賢人一云堯時賢  
人不受堯讓投河而死按淮南子作狐不稽

按左傳晉狐突字伯行為懷公殺子狐毛將上軍毛子狐

秦烏温大夫又突子狐偃字子犯將上軍讓狐毛而佐之

子狐射姑即賈季佐中軍狐鞠居即續簡伯亦曰續鞠居

杜注鞠居狐氏之族又狐父晉使請蔡于楚者見昭十年

傳

呂氏春秋齊有狐授按齊策齊負郭之民有狐啗者正  
議閔王散之檀衢百姓不附古今人表作狐爰國策作狐  
啗即一人也作狐狐啗者誤

韓詩外傳魏文侯問狐卷子父子兄弟臣皆賢足恃乎皆  
對曰不足恃文侯怒對曰父賢不過堯而丹朱放子賢不



過舜而瞽叟拘兄賢不過周公而管叔誅臣賢不過湯武而桀紂伐

論語隱義衛狐黯殺子路按一作狐廩孝子傳狐廩與仲子崔戰死左傳作孟廩

袁宏記天子使太官令狐篤綏民校尉張裁宣諭李催郭汜十反

後漢書狐嘉為都尉與苑康案疾覽也按一作壺加英雄記狐壽冀州按壽姓又作壺

蜀志狐篤本姓馬名忠字德信閬中人少養外家後復姓馬通鑑作狐忠蓋姓以先名從後也李平遣喻旨呼丞相

亮退軍此又一狐篤也宋藝文志狐剛子著灵圖感應歌一卷按廣異記狐剛子

曾降于唐坊州中部令長孫甲家統謚狐攷字怡樂烏程人著樵雲集狐忠陽曲人善書洪

武中中書舍人狐丘氏見世本英賢傳

列子狐丘大夫謂孫叔敖曰人有三子怨知之乎壽高者人妬之官大者主惡之祿厚者人怨之孫叔敖曰吾壽益高

吾志益下吾官益大吾志益小吾祿益厚吾施益溥可以  
免乎按亦見韓詩外傳大夫一作丈人

縑 見路史

北海相景君碑陰有故午營陵縑良字世騰按即縑字

孤 此姓諸書無今補

越絕書楚孤父生于荆山生不見父母為兒之時習用弓

矢所射無脫以其道傳之羿以善射著按孤父名績長

漢巴郡太守張納功德叙碑陰有閭中孤有

北齊西門豹祠堂碑陰有武猛從事汲郡孤誕

孤 見姓苑路史

說苑謹兒氏有臣孤男按墨子作孤功

氏姓謚孤啓濮州人洪武中江西德化縣丞孤鐸汲縣人

天順間六合縣丞孤鳳石樓人正德間舉人江西進賢知

縣

孤 竹氏見姓纂

屠 見拾遺記

左傳昭公十六年九月鄭大旱使屠擊祝款豎柎有事于

桑山按晉亦有屠擊將右行覓僖二十八年傳



又昭十六年傳晉侯使屠蒯請有事于雒與三塗萇加謂  
劉子曰客容猛非祭也其伐戎乎

左昭十三年傳叔鮒求貨于衛淫芻蕘者衛人使屠伯饋叔

向羹與一篋錦

呂氏春秋晉太史屠柔預知晉君中山國之亡說苑作屠  
餘按高誘呂覽注以為晉出公說苑則以為見晉平公之  
驕以其國法歸周周威公見而問之威公與平公相去遠  
矣

史記秦有都尉屠睢與尉佗攻百粵注睢音雖

風俗通漢末有屠景先河東人

屠門氏見漢書注

琴苑要錄琴引者秦時屠門高之所作也秦為無道奢淫  
不制徵天下美女以充後宮乃縱酒離宮作戲倡優宮女  
侍者千餘人屠門高見宮女幼妙寵麗于是授琴以歌之  
作為離鵠之操

韓詩外傳齊王厚送女欲妻屠門肚肚辭以疾其友勸之  
曰子孫死腥臭之肆而已乎何以辭之肚應曰其女  
醜其友曰何謂也肚曰吾肉善如量而去若少耳

吾肉不善雖以他肉附之尚猶不售今厚送子子醜故耳  
其友下問女果醜按吐一作吐司馬彪莊子注屠門吐在  
孔子時

王莽傳大姓櫟陽中陽下邳王大皆率眾隨憲屬賒釐嚴  
春茂陵董喜藍田王孟槐里汝巨盤屋王扶陽陵嚴本社  
陵屠門少之屬眾皆數千人假號稱漢將師古曰姓屠門  
名少

屠岸氏見史記集解

史記晉有屠岸賈屠岸夷按岸與顏通古今人表屠岸賈  
作屠顏古屠岸賈殺趙同趙朔者國語里克既殺奚齊卓  
子里克及丕鄭使屠岸夷告公子重耳于翟曰國亂民擾  
得國在亂治民在擾子盍入乎吾請為子鉢注屠岸夷晉  
大夫

屠住氏見英賢傳

屠羊氏見辯證按此非姓宜刪

屠三氏見世本

塗 見風俗通

風俗通漢有諫議大夫塗暉按儒林傳塗暉字子真平陵



人受毛詩于孔安國

集仙傳塗辭蓬州人按高道傳塗定辭居石室貯五十萬錢賞廉者不得即一人也

氏族畧晉塗欽以功封新吳侯塗元琛官正議大夫唐塗曉以中散大夫知江州廉能可述號爲金聲玉色

姓氏謚元塗讓字伯益高安人官懷遠大將軍雖貴爲連帥雅淡沖約塗源字源寔高安人延祐二年除知黎州以母老不赴

**元**史類編順帝紀宜黃賊塗佑攻陷却武路

統謚塗斗鎮靖安人永樂中工部主事廉勤有為

四川志塗澤民字志伊漢州人嘉靖進士官都御史

丹陽志明巡按御史塗克誠

直隸志塗應選延慶州人任濟源令歲大旱飢民趙英才等殺焦聞香以食應選立請停徵不允輒哭涕廷諍復設法賑之全活甚眾

題名錄塗克敏高安縣人永樂辛卯進士塗鐘南昌靖安縣人永樂乙未進士塗淮靖安縣人景泰甲戌進士塗文

祥靖安縣人弘治壬戌進士塗澤民漢州人嘉靖甲辰進士塗時相雲南臨安籍沅州人萬曆庚辰進士

鎮江府志塗廓字容宇遼東人讀書負氣節善騎射順治初由生員知鎮江府時江南初下山澤負固方在用兵取道京口城中兵民雜居廓振紀綱嚴輯悍兵不得滋害數持折總兵官犒軍之費牽舟秣陵之役措給有方客兵亦憚服民賴以安先是守鎮江者數抑辱諸生廓至新學官謁廟說書延問民間疾苦有宜興革者輒施行之居一年以廉幹擢磁州參政磁多山寇官兵懼不敢往廓慷慨率

壯丁百餘人馳擊之賊眾驚潰追殺數千級一日夜馳二百里越磁境深入賊營矢盡無援遂遇害已而得其屍神凜凜如生廓為政務持大端不為煩苛用刑平允然法立必行不少撓以殺賊死聞于朝賜葬廕一子應泰累官至江西按察使

廬陵縣志塗宗震直隸宣化人貢生康熙五十年知廬陵縣培植儒林撫恤百姓案無留牘邑無追呼

氏族畧塗近正高安人開寶間官承務郎塗應楠



字仁方高安人登進士授臨川簿清明果斷曲直立分

塗山氏此姓諸書無今補

按元稹文有劾劍南東川節度使嚴礪違制擅賦又籍沒塗山甫寺莊二十九所宅四十一所奴九人婢一十七人見全唐文又按元稹傳云籍沒塗山甫寺吏民八十八戶田宅一百一十一奴婢二十七人草千五束錢七千貫與文又差違見氏族畧

涂

氏族畧宋涂大經宜黃人紹興進士慷慨慕古人風節涂

潛生邃于易著易義於式

氏姓謚明涂節任御史中丞右布政使涂觀

題名錄涂欽江西新城縣人洪武乙丑進士涂順新建人

永樂甲申進士涂端番禺縣人成化丁未進士涂禎新塗

縣人弘治己未進士涂敬豐城縣人弘治壬戌進士涂鉉

豐城人嘉靖甲辰進士涂淵南昌人嘉靖乙丑進士涂夢

桂豐城人嘉靖乙丑進士涂國鼎建昌新城縣人萬曆丁

未進士

呼  
見姓謹

列仙傳呼子先漢中卜師也壽百餘歲臨去呼酒家婦曰  
急裝舟汝俱去夜有仙人持二茅狗來子先持一与媪乃  
龍也騎之上攀陰山按集仙傳呼子先字迂生

漢書單于呼徵按袁宏紀作呼演為匈奴中郎將純脩擅  
斬

統謹呼文瞻山東人洪武中任崑山知縣呼孟陽石樓人  
宣德中知南康府推官呼志南宮人正統間任鎮海衛千  
戶

陝西志呼廷信綏德州人宣德中任四川右參政呼昱吳  
堡人成化中任宜興縣丞呼為卿字相之陝西人嘉靖癸  
丑進士任戶部主事呼維嵩澄城人雍正癸卯科舉人

按題名錄呼為卿山東黃縣人嘉靖癸丑進士

統謹呼良明太原人萬厯中任福建參將按明史郭應聘  
傳與總兵呼良朋討平嚴秀珠岑周賊凌氏作良明  
者誤

題名錄呼譽國長安縣人乾隆己未進士

涇陽縣志呼遠音宜川人貢生雍正元年任涇陽訓導



呼延氏見漢書匈奴傳  
晉書稽胡楚賜姓呼延

前趙錄劉淵御史大夫大司空呼延翼為其部下所殺子  
呼延晏為右僕射持節大將軍執懷帝後為大司空呼延  
攸為淵宗正淵以攸無才行終身不遷官後為聰殺又劉  
淵征虜將軍呼延顥冠軍將軍呼延朗顥為晉賈亂所斬  
朗為晉樓哀寺所斬按前涼錄北宮純帥勇士斬劉淵征  
虜將軍呼延顥又劉曜別將呼延寔為陳安所殺  
前趙錄劉曜衛軍將軍呼延瑜輔威將軍呼延清鎮東將

軍呼延謨冠軍將軍呼延那難後趙石勒以呼延莫為將  
師石季龍積弩將軍呼延晃為燕慕容廆所斬按呼延清  
通鑑作呼延青人獲陳安于潤曲斬之又石勒將石生石  
虎擊劉曜鎮東將呼延謨斬之石鑿遣侍中呼延盛率步  
騎七萬人討石祗等

後魏書呼延勒為定州刺史居定陽鎮賜姓賀遜  
魏書涼州幢帥于菩提呼延雄執刺史宋顥據州反  
北齊書高昂之羽翼有呼延族東方老成五魁  
唐北嶽神廟碑陰有司倉參軍呼延傑



宋史呼延贊太原人周淄川馬步軍都指揮使琮之子太祖時遷內員直都虞候召見自陳武藝求領邊任又引其四子必興必改必求必顯以入更迭舞劍槩槩各賜白金衣帶後必顯擢為副軍都頭

金史呼延寔趙城人揚沃行部曲以戰功至寶昌軍節度使為青陽總帥時與姬汝作不和

氏族畧宋呼延遇太平登科呼延次并壽春人大觀登科呼延範邠州人大觀登科呼延連殿前左翼軍

四川志呼延迪四川人正統中任福建參將

陝西志呼延彥渭南人直隸贊皇知縣呼延恭咸寧人萬

厯丁酉舉人官主事呼延楫延久明貢生官知縣

呼衍氏見漢書注即呼延氏

呼那氏此姓諸書無今補

晉書吐谷渾樹洛干之將呼那烏提為乞伏智達所獲按亦見西秦錄

呼揭氏此姓諸書無今補

匈奴傳有西方呼揭王來與唯犁當戶謀共讒右賢王



呼盧氏見官氏志

西秦錄乞伏熾盤建和七年赫連昌遣征南大將軍呼盧古將騎二萬攻苑川左丞相曇達與呼盧古戰于嶮岷山曇達兵敗

孺

見姓苑路史續文獻通考

論語魯人孺悲孔記悲學士喪孔于孔子

搜神記殺趙同趙括者孺臨歧

姓謚唐少室山人孺登注龍虎篇按龍虎篇一卷青羅子

周希采少室山人孺登同注

孺

孺

羊氏見左杜注此姓諸書無今補

左傳隱五年衛石碣使其宰孺羊肩泣殺石厚于陳按孺

今左傳作孺

奴

魏書高麗民奴久等相率來降各賜田宅

統謚奴管高郵人嘉靖中湖廣都司金山衛守備

姓韻卷十七

或威張 澍纂

七虞下

溥 見氏族畧按無此姓宜刪

轉 纂要人姓音呼廣韻軒姓也荒烏切集韻荒胡切並音呼姓也

吾 見路史

戰國策楚將吾得按竹書紀年楚吾得及秦師伐鄭圍綸  
氏渚宮舊事張何謂吾得曰何能令公貴于三柱國吾得  
曰奈何對曰王大主而好小智游說之士率皆欺王請為  
公說王曰諸侯之士多圖大王以虛名而無其實吾得出



于晉國好廉而善劍不如使其掌客則說士莫欺王者得  
必殺之何遂言于懷王王從之果大重任柱國此條當係  
國策佚文

廣韻漢有廣陵令吾扈

吳志吾粲字孔休烏程人孫河爲縣長粲爲小吏河深奇  
之河後爲將軍得自選長吏表粲爲曲阿丞遷爲長史治  
有名迹雖起孤微與同郡陸遜卜靜等比肩齊聲孫權爲  
車騎將軍召爲主簿出爲山陰令還爲參軍校尉拜昭義  
中郎將與呂岱討平山越入爲屯騎校尉少府遷太子太

傅遭二宮之變抗害執正明嫡庶之分欲使魯王霸出駐夏

口遣楊竺不得令任都邑在又數以消息語陸遜遜時駐

武昌連表諫爭由此爲霸竺等所譖害下獄誅

晉書吾彥字士則吳人有文或才手格猛獸吳大司馬陸  
抗以彥爲建平太守時王濬將伐吳造船于蜀彥覺之  
請增兵爲備皓不從彥爲鐵鎖橫斷江路及師臨境緣江  
諸城望風降附惟彥堅守吳亡彥歸降以爲金城太守轉  
在敦煌威恩甚著後爲交州刺史平賊帥趙祉南州寧靖  
魏書常景傳議曰張虛景吾難霸等不推君臣之分不尋



致服之情猶同其議準母齊制求之名實理未爲允

明史段氏傳吾紳字叔縉衢州開化人永樂甲申進士官刑部主事治獄有聲歷郎中拜禮部侍郎成祖謂呂震曰紳出自翰林可佐卿典禮矣既而爲震所擠出爲廣東參政尋召爲南京刑部侍郎奉敕考察兩廣福建方面官有故人官參政素貪黷權要多爲之地紳至竟黜之時稱其公復改禮部正統六年卒於官紳彊清有執澹于榮利初拜侍郎賀者畢集而一室蕭然了無供具眾笑而起于謙傳遂谿教諭吾豫言謙罪當族謙所薦舉諸文或並

應誅部議持之而止

河南志吾喙字景端開封人方正端嚴教諭江浦乞歸講學弟子千餘人多成名士與章懋樊臺尤契厚年七十卒懋表曰君之所詣茂叔伯淳人之所惜何蕃李贄按明史志喙著衢州府志十四卷

題名錄吾應麒汝陽縣人成化丁未進士吾鬻開化縣人弘治壬辰進士吾翕開化人正德戊辰進士吾謹開化縣人正德丁丑進士

縉紳錄嘉慶時有吾與點嘉興舉人任開化訓導



吾丘氏見漢書注按一作梧丘

說苑孔子行游中路聞哭者聲甚悲孔子驅之前有異人者少進見之吾丘子也擁鑣帶索而哭孔子辟車而下問曰夫子非有喪也何哭之悲也吾丘子曰吾有三失吾少好學問周游天下還後吾親止一失也君驕諫不遂二失也厚交友而後絕三失也遂刎而死

呂氏春秋趙氏攻中山中山之人多力者曰吾丘鳩衣鐵甲操鐵杖以戰而所擊無不碎所衝無不陷以車投車以人投人幾至將所而後免按說苑作吾丘鳩

漢書掖廷令吾丘遵謂丞籍或曰掖廷丞吏以下皆與趙昭儀合通無可與語者

漢書吾丘壽王字子贛趙人年少以善格五待詔後官大中大夫坐事誅按一作虞丘壽王也

集古印謚有吾丘王孫

元史吾丘衍字子行操行高潔人稱貞白先生常居樓上著尚書畧要聽元集造元集九歌謚十二月樂謚詞重正卦氣楚史禱祝晉文春秋兼通音律工篆隸小隸為詩效李賀

吳 見索隱廣韻

山海經吳權通阿女緣婦在顓頊時

風俗通大戎將吳將軍盤瓠銜其首在高辛時按一說吳將軍名車

帝王世紀吳賀與羿期射在少康時

博物志紂時吳伯直諫被誅

史記主父取吳廣之女孟姚按陽賈人吳廣并陳勝起兵于蕲又一吳廣也

墨子魯之南鄙有吳慮者冬陶夏耕自比于舜按一作南

鄭人吳憲

史記衛吳起學于曹曾子被逐按起之子名期授春秋于楚人鐸椒見劉向別錄

史記吳芮爲番陽令号番君封長沙王又吳公爲河南守治天下第一

陶潛四八日綺里季姓吳名實字子景

經籍志吳普學佗弟子著本草六卷按普從華佗受五禽之戲以代導引猶得百餘歲

漢書吳祐字季英長垣人父恢爲南海太守祐爲膠東太



守馮書兼兩又吳良字天儀臨淄人治尚書學通師法爲卽丘長遷司徒長史

漢書又吳雄字季高以明法律斷獄平起

自孤宦桓帝時由光祿勳爲司徒按吳

雄見孔宙脩孔廟碑

吳丘氏見路史按卽虞丘氏

盧 見廣韻

韋昭國語注扁鵲姓盧名越人按扁鵲姓秦卽嗣說誤

姓纂秦博士盧敖姜姓後也子孫家于涿水之上遂爲范

陽人漢燕王盧綰卽其裔按淮南子盧敖游北海至濛穀

上見若士烏方迎風而舞盧敖弁之語若曰吾与汗漫期

乎九垓之上不可久駐乃舉臂竦身入雲中

搜神記范陽盧充入崔少府墓結婚別後四年充臨水戲

忽見犢車崔氏女與三歲男共載以兒還充又與金碗並

贈詩崔家姨母曰我外甥也卽字温休者是幽婚也遂成

令器歷郡守子孫冠蓋相承至今其後植子幹有名天下

隨書盧太翼字協昭河間人本姓章仇氏七歲詣學日誦

數千言州里号曰神童目盲以手摸書而知其字煬帝常

從容言及天下氏族謂太翼曰卿姓章仇太岳之胄與盧  
同源于是賜姓爲盧氏太業九年從駕至遼安言于帝曰  
黎陽有兵氣數日而楊孚感反書聞

盧奴氏見姓苑按作盧妃者誤

盧<sup>此</sup>此姓諸書無今補

唐書總章元年冬十月帝以盧迦逸多爲懷化大將軍本  
烏荼國婆羅門人自言能合不死藥帝將餌之東臺侍郎  
郝處俊諫乃止

盧蒲氏見氏族畧

左襄二十六年傳齊慶封使盧蒲嬰帥甲以攻崔氏遂滅  
之昭三年嬰見齊侯而泣曰余髮如此種種余奚能爲子雅

昭五年嬰見齊侯而泣曰余髮如此種種余奚能爲子雅  
曰彼其髮短而心甚長九月公孫寗放之于北燕

左成二年傳齊侯伐我北鄙圍龍頃公之嬖人盧蒲就魁  
門烏龍人囚之齊侯曰勿殺吾與而盟無入而封弗聽殺  
而聘諸城上

襄公二十年傳貳廣上之登御邢公盧蒲癸爲右注盧蒲癸  
莊公嬖臣



盧門 盧門氏見路史

蘆 見官氏志

琴書潁陽西北界李氏處女于女仙人蘆藕苗受琴清風  
弄等五十曲

神仙傳太陽女姓蘆名仝按集仙錄太陽女爲朱翼太陰  
女爲蘆金得補導之要蒸丹之方是神仙傳有記

蘇 見國語注唐世系表廣韻

國語蘇忿生爲周司寇

周書異記周昭王二十四年甲寅歲四月八日江河泉井

泛溢山川宮殿震動有五色光貫太微宮王問羣臣太史  
蘇由奏曰西方當有大聖人生卻後千年法教流此土王  
令鐫石埋于南郊誌之

上元寶經兮洲上卿蘇林字子元北海公涓子之弟子也  
按魏有蘇林注漢書

戰國策蘇秦雒陽人譙周云秦兄弟五人秦最少兄代代  
弟屬及辟鴿並爲游說之士按與史記言秦弟代代弟屬  
不同國策又有蘇脩

說苑正諫篇云莊王立三年不聽朝令羣臣有諫者死蘇

從曰處君高爵食君厚祿愛其身而不諍非忠臣也乃入  
諍王明日授蘇從以相

漢書表蘇昌武帝征和二年封蒲侯子夷吾坐罪除

漢書武帝時大將軍蘇建王莽時望氣者蘇伯阿望春陵

郭氣光武時司隸校尉蘇鄴更始討難將軍蘇茂

續漢書熹平中天下大旱陽縣人蘇騰夢陟首陽見神馬

之使以狀上天子下三府遣使者登山請雨雨即降蔡邕

集作平原人誤水經注河南平縣人非平陽也

續漢書相者待詔相工蘇文見鄧后曰此成湯之骨法按

太平御覽引作蘇太

書斷蘇班平陵人五歲能書甚為徐幹伯章之所稱歎

蘇農氏見唐書

唐書貞觀左屯衛將軍穀州刺史蘇農泥孰按一作泥熱

李德裕集有別奏首領蘇農婆羅

蘇尼氏此姓諸書無今補

唐書沙鉢羅設蘇尼失舉眾降封郡王按蘇尼失使其子

忠禽胡利以獻

蘇毗氏此姓諸書無今補



南史女國王姓蘇毗氏按女國隨時通焉在葱嶺之南其國代以女爲王王姓蘇毗字未羯女王之夫號曰金聚不知政事國內丈夫惟以征伐爲事

蘇拔氏此姓諸書無今補

南匈奴傳任尚率鮮卑大都護蘇拔廆烏桓大人勿柯八千騎要擊逢戾于滿夸谷復大破之封蘇拔廆爲率眾王是鮮卑有蘇拔氏也

蘇色匿氏此姓諸書無今補

西域傳大宛姓蘇<sup>色</sup>匿氏按大宛國漢時通焉王理貴山城

戶六萬其王姓蘇色匿氏字底失槃陀積代承襲不絕

烏 見廣韻路史

予與錄夏禹時有烏陀陶臣

岳瀆經禹時有烏木田使制巫支祁不能

世本桀臣烏曹作博

左襄二十六年傳齊烏餘以廩丘奔晉晉戾使胥梁帶往二十七年梁帶使諸喪邑者具車徒以受地使烏餘具車徒以受封烏餘以其眾出遂執之

昭公二十三年傳莒大夫烏存率國人逐其主庚與庚與

將出聞烏存執爰而立于道左懼將止死苑羊牧之曰君  
過之烏存以力鬪可矣何必以弑君成名

左昭公二十一年傳烏枝鳴戍宋去備用劍敗華登

史記秦烏獲與成王至洛陽舉鼎按淮南子今使烏獲籍  
審從後牽牛尾尾絕而不從者逆也

唐書烏承恩張掖人天寶末為范陽節度副使為史思明

殺烏承玘字德潤與族兄承恩號轅門二龍官至檢校殿  
中監與父知義皆為史思明殺知義官平盧軍使承玘子  
重胤字保君為河陽節度使子漢弼居母喪奪為左領軍

衛將軍固讓按韓愈烏氏先廟碑承恩承洽之兄世系表

按韓愈烏氏先廟碑承恩承洽之兄世系表漢弼左羽林

將軍行惠密州刺史漢貞左金吾將軍行方河內丞漢封

衛尉寺丞漢章右驍衛倉曹參軍行思左衛倉曹參軍又

按唐有六軍使烏崇福與張知節長孫全緒等率兵衛代

宗也

韋夏卿傳黃巢圍和州韋凝令將樊榭傳援之傳犯令凝即

斬之命別駕烏穎代傳

吐蕃傳唐右衛將軍烏重玘



五代史烏震信都人唐莊宗時拜刺史歷深趙二州少好學通左氏春秋喜作詩善書明宗擢拜河北道副招討使  
宣國軍節度使

烏餘氏見路史

烏氏氏見索隱姓謹

漢書貨殖傳烏氏羸畜牧及眾斤賣求奇繒物間獻戎王戎王十倍其償予畜畜至谷量牛馬秦始皇令羸比封君以時并列臣朝請

烏程氏見郡國志此姓諸書無今補

烏獲氏見路史按宜作烏護

烏地氏此姓諸書無今補

西秦錄熾監安北將軍烏地延討吐谷渾別統句勤于泣勤川大破之按延乙弗鮮卑也

烏丸氏見官氏志

金石錄後周溫州刺史烏丸僧脩墓誌僧脩本姓王氏梁南城侯神念之子太尉僧辯之弟後歸周仕為溫州刺史周書上開府烏丸泥按尉遲迴遣其所署莒州刺史烏丸尼率眾攻豆盧通當即其人

來和傳烏丸軌謂成帝曰太子非社稷主普六茹堅貌有  
反相帝不悅又周主從容謂鄭譯曰我脚杖痕誰所為也  
對曰事由烏丸軌宇文孝伯因言軌將須事按達奚長孺  
與烏丸軌圍陳將吳明<sup>徽</sup>于呂梁

北齊書烏丸達為和州刺史自南州奔還歷陽  
烏孫氏見廣韻按此非姓耳刪  
烏質氏此姓諸書無今補

舊唐書突厥傳突騎施酋長烏質勒中宗景龍二年封西  
河王按烏質勒西突厥之別種初立斛瑟羅下号莫賀達  
干後斛瑟羅入朝其地為質勒所并

烏朱氏此姓諸書無今補

魏書蠕蠕別帥烏朱賀積率眾來降

### 烏那羅氏

北齊書靜帝嘗獵于郊東馳逐如飛監衛都督烏<sup>那</sup>羅受工  
伐從後呼曰天子勿走馬大將軍嗔按氏族畧作烏那羅  
愛誤甚

### 烏洛蘭氏見官氏志

按夏錄赫連勃勃遣御史中丞烏洛孤并蒙遜結盟據此  
烏洛為二字姓盖省文稱烏洛



烏石蘭氏見官氏志按一作唄石蘭氏

庾子山集有周冠軍夫人烏石蘭氏墓志銘云之夫人年十

七歸于宇文氏淑令端莊含章貞吉以保定五年四月薨

年四十有四歸葬于京兆之某原

鄔 見姓纂路史

左昭二十七年傳晉祁勝與鄔臧通室

陳書岳陽王叔慎招合士眾或州刺史鄔居舉業請舉兵助

之為隨將劉仁恩禽于橫橋

集異記汝南鄔濤精習墳典好道術旅泊婺州義烏縣館

月餘忽有一女子來曰王氏小娘子也與之款洽數月道

士楊景霄以符與之置門並以呪水洒之乃絕

法書要錄晉有鄔彤工草書如寒林栖雅按彤唐時錢塘

人金吾兵曹與懷素為羣從中表兄弟金石錄唐金剛經

尊勝經幢乾元二年鄔彤行書以為晉人非也

集異記唐鄔載為御史開元中江南大水郡以狀聞元宗

詔鄔載往巡之載至江南忽見道旁古墓水漬其穴心念

之命遷其骸于高原既發墓得一石誌後有銘二十言詞

曰爾後一千載此地化為泉賴逢鄔御史移我向高原載

覽而異之因校其年果千歲矣

氏族畧宋鄔大昕字東啟河源人政和二年進士僉判廣

州廣之東道濱海舟楫往來恒患飄溺大昕因規度鹿步

窖遠之東起東洲西接黃灣延袤十餘里邑人便之

辯證鄔延伯生綬綬生思思生執權字少建左宣教郎湖廣

京西總領司幹辦公事

軫 何承天纂要人姓字統軫姓也音枯一音呼

都 見姓苑

廣韻臨晉侯都稽按臨晉當作臨蔡史記尉佗傳都稽為

越郎曾得呂嘉封為臨蔡侯

馬援傳九真賊徵側黨都羊

王孚安成記都區寶者後漢人居父喪鄰人格虎虎走趨

其廬中即以蓑衣覆藏之鄰人尋迹問寶寶曰虎豈有可

念而藏之乎此虎後送禽獸以助寶祭按孝子傳作歐寶

無都字

前秦錄行唐公洛反堅以右將軍都貴馳傳詣鄴將冀州

兵二萬為前鋒後以貴為荊州刺史又俱難遣其將都顏

與謝平戰為平所斬



蘇州冢墓記宋青州刺史都泰元性多仁恕德感禽獸葬之日羣燕數千銜土于冢上今冢猶高大鄉邨祭祀不絕都一作郁

五代史都指揮李仁罕張業欲置宴宴召孟知祥先二日有二尼告二將謀以宴日害知祥知祥諾之無狀推始言者軍校都延昌王行本嘗斬之

氏族畧宋都隨字與時餘干人元豐進士有節操常使遼官宗正少卿

氏姓謚都既陵川人官鴻臚帝虛已咨問必據經以對其名見元祐黨籍碑兄嚮及姪嘉猷皆登進士都頡字光遠餘干人少貧苦學元祐間作七說述鄱陽人物山川之勝詞豔而意遠官至司農卿都潔字聖與京口人知南安軍勤身率下

江南志都穆字元敬長洲人弘治進士官太僕卿有文名氏姓謚都郊廣平縣人正德甲戌進士都勝寧津人官總漕運都任題名錄作都任字宏若祥符人萬歷癸丑進士屢遷四川右參政任性剛嚴多忤物數謫徙終不變後官陝西右布政兼副使飭榆林兵備李自成陷城死之

陝西志雍正間都址任古浪訓導永壽縣人

甘肅志都諫狄道人任泰安知州

縉紳錄嘉慶時餘竹縣教諭都唐成都人陝西西安府渭

南縣訓導都文燮乾州人廩貢

都朱氏見複姓錄

都尉氏此姓諸書無今補

按寧陽國志秦惠王遣張儀司馬錯都尉墨從石牛道伐

蜀滅之都尉姓也非官名

儒林傳都尉朝魯人孔安國傳古文尚書授朝朝授膠東

庸譚

驢 見池北偶設此姓諸書無今補

瓠 見潛夫論路史韻會

張 見索隱

史記功臣表盧卿索隱云漢表作張張即盧古張弓字按

今漢表作旅非張字又旅罷師水經注作盧罷師也

軒 見氏族畧

洙 氏族畧洙音殊姓也

氏族畧宋登科有洙頡



孛 姓苑孛音呼沛人亦見氏族畧

英 海篇直音英人姓音英

野 何承天纂文野音于人姓

蒼 海篇直音蒼音呼人姓也字彙攻呼切音孤姓也通雅亦

云音孤

鑪 韻會姓也路史鑪楚國姓也音上聲

左傳定四年鑪金初宦于子期氏賓奔隨人要言王使見

辭曰不敢以約為利釋文鑪本又作鑪金名音慮

菟 見史記

菟裘氏見史記

菟賴氏見官氏志

菟和氏見左杜注

孛 見廣韻姓苑按孛與孛同一字不宜分姓纂作孛記

梧 見潛夫論姓苑路史

梧下氏按菟文類聚作梧丘

魏策衛使客事魏三年不得見衛患之乃見梧下先生許  
之以百金梧下先生曰諾乃見魏王曰臣聞秦出兵未知  
其所之秦魏交而不修之日久矣願王專事秦無有他計

辜 見何氏姓苑姓纂

寧陽集俞克母辜氏

氏族畧宋辜肅登進士第官德清令辜甫泉州人嘉祐登

科辜彙晉江人元祐六年特奏名

氏姓謚元辜中字德中至正間官永豐令專尚德化不事

刑罰辜皋韶州人洪武初知德興縣招撫流止奏罷采銅

辜顓字主敬饒州安仁人天順庚辰進士官廣西參政柳

慶榛蠻雜處最稱難治推示誠信卒皆率服

題名錄辜明試南昌人隆慶戊辰進士官朝薦揭陽人崇正

戊辰進士官亂奇晉江縣人崇正庚辰進士官文麟海陽

縣人康熙庚辰進士

甘肅志辜下賢貢生南昌人知會寧縣

四川志辜奇珍漢州歲貢乾隆中任安岳教諭

瓠 見路史

淮南子瓠巴善鼓琴而潛魚出聽注巴楚人也亦善于瑟

韓詩外傳作鼓琴列子湯問篇瓠巴學琴于師襄當冬而

叩徵絃以激絃賓陽光熾烈堅冰立散按荀子作瓠巴鼓瑟

江遠文釋云巴齊人大周正樂瓠巴六國時人工琴好古



因夏日俯于池亭鼓之感魚躍潛藻而聽之焉  
淮南子瓠梁之歌可隨也而以歌者不可為也

廊 此姓諸書無今補

縉紳錄嘉慶時宛平人廊維鏞任龍山鎮巡檢又嘉慶二  
十三年壽秩全覽貴州黎平府經歷廊德溥字省堂順天  
宛平人本浙江會稽人安徽廣德州建平縣梅渚司巡檢  
廊毓球字鳴軒順天宛平籍浙江會稽人議叙

孚 見氏族畧

柎 見韻會按此姓諸書無今補

桴 集韻桴姓也按此姓諸書無今補

圖 見海篇直音

郜 見姓苑

浯 見氏族畧

姁 姓苑姁人姓

郚 見姓苑

樞姬 姓苑姬人姓

渝 見路史

榆 見路史

後漢書于寘國將軍榆棘按一作榆焚又作輸焚  
續漢書班超求得故王兄子榆勒立為勒疏王  
西羗傳任尚遣當闕種羗榆鬼等五人刺殺杜季真封榆  
鬼為破羗侯

瑜 此姓諸書無今補

按四川重慶府大足縣白堊寺門外石幢有瑜文礼係出  
錢脩寺者雍正時人樹攝篆日親見其碣

姑 此姓諸書無今補

漢書常惠傳龜茲國貴人姑翼常殺校尉賴丹惠責王王

縛姑翼惠斬之

姑布氏見司馬彪史記注荀子楊倞注

荀子非相篇有姑布子 卿注姑布姓相趙襄子者史記姑  
布子卿見趙簡子相無恤為真將軍司馬彪云姑布姓子卿字

氏族一畧 漢有姑布子漢出東平按一引無下漢字

廚 見姓苑

左傳秦晉楚戰楚熊負羈囚智瑩以歸智莊子以其族反  
之廚或子御下軍之士多從之每射抽矢蔽納諸廚子之  
房或子怒曰非子之求而蒲之愛董澤之蒲可勝既乎



厨人氏見姓纂

左襄二十二年傳宋有厨人濮等驅之叛從濮言而敗吳師

于鴻口濮又以裳裹首而荷以走曰得雩登矣遂敗雩氏

于新里注厨邑大夫

諷 見姓謹氏族畧

濡 姓苑望出河間

儒 韻會姓也

韻會漢有儒光按集古印謹有儒光

謝承後漢書廣漢儒叔林為東郡太守赤烏巢于屋梁白

兔產于牀下按一作廣漢儒字叔林是以廣為姓也

湖 見姓謹

氏姓謹宋湖沐太常博士知廣州湖澄連州人永樂中任

交趾諒江府照磨湖湘南和人景泰中任福寧州吏目

荼 見潛夫論路史按荼都邪切

漢書江都王建使謁者荼恬止書

集古印謹有荼廣年荼聚

需 見姓苑

絢 見王清臣說

墨客揮塵錄宋絢紡開封人登科本句姓因避國諱加糸

愚 見姓苑

模 見姓苑

氏族畧宋有模道成沅州人登科按正字通以為明人非

謨 此姓諸書無今補

輸

淮南子輸子陽謂其子曰良工漸乎矩斲之牛固無物而不周

後漢書西域傳于寘侯將輸欐會兵攻長史王敬斬首懸

市輸欐欲自立為王國人殺之立建子安國焉

西秦錄羌輸報奔鄧若句豈帥戶二萬降于西秦

蕪 見姓謚

統謚蕪恕平山人宣德中任江陰大使

敷 此姓諸書無今補

四川志敷季雅隸為人洪武間官松谿縣知縣

枯 此姓諸書無今補

南涼錄秃髮儁檀遣左將軍枯木伐沮渠蒙遜掠臨松千

餘戶而還按枯西羌姓也

舊唐書北狄傳契丹酋長枯莫離則天時封歸順王賜姓



李氏是地非狄亦有枯姓

打 見姓纂

史記建元以來侯者年表打者小月氏降王武帝元封四年封執攝侯注索隱云打音烏亦音汙漢書表作打表又云打者子勝漢書表不得嗣除按打字音烏林寶音干入寒韻誤矣

珠 此姓諸書無今補

南史婆利國王頻伽于普通三年遣使珠智獻白鸚鵡青蟲琉璃器古貝螺杯等物

闍 此姓諸書無今補

近峯聞略高皇帝克陳友諒俘其妻孥曰我自起兵以來未嘗納人子女今友諒三犯我金陵四犯我太平我甚恨之其妻闍氏可沒入掖庭未幾生子封潭王國于長沙將之國闍氏語之曰尔乃漢王陳友諒子汝父被殺侘日當為父復仇也

卷之三



